



RAVENSWOOD

CITY SCHOOL DISTRICT

2120 Euclid Ave.
East Palo Alto, CA 94303
p: (650) 329-2800
f: (650) 323-1072
www.ravenswoodschools.org
[@RavenswoodCSD](https://twitter.com/RavenswoodCSD)

Ki he Komiuniti Ravenswood,

Poate Ako

Mele K. Latu
Palesitani

Tamara Sobomehin
Tokoni Palesitani

Bronwyn Alexander
Kalake

Ana Maria Pulido
Memipa

Jenny Varghese
Bloom
Memipa

Pule Lahi

Gina Sudaria

Misiona

Ko e Ako'anga Fakavahe Ravenswood 'oku ne ngaue ke fakaivia 'a e fanau ako takitaha ke nau malava 'o maa'usia 'a e lelei taha 'i he mala'e 'o e ako, 'i he ngaahi 'ilo, taukei mo e tukunga fakakaukau 'oku fiema'u ke maa'usia 'enau ngaahi taumu'a takitaha.

Ko e misiona 'o e Ako'anga Fakavahe Ravenswood ke fakaivia e fanau ako takitaha ke nau malava 'o maa'usia 'a e lelei taha 'i he mala'e 'o e ako, 'i he ngaahi 'ilo, taukei mo e tukunga fakakaukau 'oku fiema'u ke maa'usia 'enau ngaahi taumu'a takitaha. Ke maa'usia 'emau misiona, 'oku mau fakapapau'i ke 'oatu 'a e ngaahi fakahinohino 'i he tu'unga mau'olunga pea mo ha silapa ako 'oku fa'u'aki 'a e ngaahi 'ilo fo'ou ki hono langa e ngaahi lokiako mo ma'u e ngaahi naunau fe'unga mo e Senituli 21.

'I he 2015, na'e fakakakato ai 'e he Vahenga 'a e Palani Ngaue Fisifisimu'a 'a ia 'oku faka'asi ai 'a e ngaahi naunau 'oku fiema'u 'e he ngaahi ako'anga 'i Ravenswood pea ko e ngaahi naunau ko 'eni na'e lekooti ia 'o fakatatau ki he ngaahi fiema'u mei he ngaahi matu'a tauhi fanau, kau faiako, kau ngaue, pea mo e komiuniti fakalukufua. Na'e malava mei heni hono 'ohake 'a e founga malu'i 'e ua 'e malava ke fai hano tokangaekina makehe ki he ngaahi ngaue ki he ngaahi ako'anga, 'i he taumu'a ke fakapapau'i ha 'ataakai malu, mafana pea mo ha ngaahi lokiako 'oku matu'u ma'a e fanau ako. Fakafou 'i he ngaahi 'inivesimeni 'a e komiuniti 'i he ngaahi ta'u kuo maliu atu na'e malava ai ke fetongi 'a e ngaahi 'ato 'o e ngaahi faleako, fakalelei'i 'a e ngaahi loka, fokotu'u ha feitu'u va'inga 'i he ngaahi ako'anga palaimeli takitaha pea mo e ngaue ke toe fakaonopooni ange 'a e ngaahi lokiako 'i he ngaahi ako'anga lotoloto.

'I he felave'i mo 'emau ngaahi ngaue ki hono tokangaekina 'a e pa'anga ngaue mo e tukuhau, na'a mau ngaue'aki 'a e pa'anga ngaue 'i ha founga vave mo 'ata kitu'a. Na'e makatu'unga mei ai 'emau palani ke totongi tomu'a 'a e pa'anga malu'i, ta'u 'e hiva kimu'a he taimi ne totonu ke totongi ai pea 'i he mahu'inga ko e \$20 miliona pea 'oku si'isi'i ange 'eni 'i he mahu'inga na'e fakafuofua ke totongi. 'Oku malava heni ke fakahaofi 'o laka hake he \$75 'i he ta'u kotoa 'e he ngaahi famili takitaha 'i Ravenswood.

'I he savea na'e fakahoko ki mui mai, ko e tokolahi taha 'o e komiuniti 'oku nau tui ko e ngaahi naunau 'oku ngaue'aki 'i he ngaahi ako'anga 'oku te'eki ke a'u ki he tu'unga lelei mo fakafiemalie. Ko e ngaahi faleako, makeheange mei he ngaahi inivesi ki mui ni mai, 'oku te'eki ke fai ki ai ha ngaue fakalelei ki ai talu mei hono langa 'i he 1950 tupu. 'Oku tokolahi 'a e fanau ako 'oku nau ako 'i he ngaahi lokiako fakataimi, na'e fakataumu'a ke ngaue'aki 'i he taimi nounou ka kuo nau ngaue'aki 'eni 'o laka hake he ngaahi ta'u na'e fakataumu'a ke ngaue'aki ki ai. Ko e ngaahi ako'anga 'oku 'ikai lelei hono ngaahi naunau ki he fononga holo 'a e 'ea, 'ikai lelei e ngaahi tekinolosia 'oku ngaue'aki pehe ki he ngaahi naunau ki he fanau 'oku nau heka 'i he ngaahi saliole polio.

'Oku 'i ai 'a e visone 'a e Poate 'o e kau Ma'umafai ki he ngaahi ako'anga, 'oku nau 'osi fakahoko hono sivilisi'i 'a e ngaahi ma'u'anga pa'anga 'i he taumu'a ke maa'usia 'a e toenga 'o 'emau ngaahi taumu'a ngaue, 'oku kau ki heni hono kole 'a e ngaahi tokoni kehekehe mei tu'a. Lototonga 'eni, 'oku 'i ai 'a e founga malu'i fakalukufua (General Obligation) 'e taha 'e malava ke ngaue'aki ki hono fakalelei'i 'a e ngaahi ako'anga. Ko e founga malu'i ko 'eni 'e malava ia ke fakaava mai ai 'a e pa'anga tokoni 'a e Pule'anga, pea malava heni ke fakapa'anga 'aki 'a e ngaahi fiema'u vivili - pea kuo fokotu'u ai 'e he Vahenga 'a e Me'afua "I" ke kau hono paloti'i 'i Sune 2022.

'Oku mau fakaafe'i atu koe ke ke toe 'ilo lahi ange ki he 'emau ngaahi naunau mo e Me'afua "I" 'i he tafa'aki 'e taha 'o e peesi, ko 'emau uepisaiti (<http://www.ravenswoodschools.org/About-Ravenswood/Facilities/index.html>) pe ko ho'o fetu'utaki ki he 'ofisi 'o e Vahenga ki ha toe fehu'i pe faka'eke'eke. 'Oku mau fakamalo atu ki ho'omou tokoni kotoa pe 'oku fai ki he fanau ako.

Gina Sudaria
Pule Lahi
gsudaria@ravenswoodschools.org



RAVENSWOOD

CITY SCHOOL DISTRICT

Tu'unga 'oku 'i ai 'a e ngaahi Ako'anga mo e Me'afua "I"

'I he' emau polokalama a'utonu ki he komiuniti 'i he ngaahi mahina kimu'a hono fokotu'u atu ke paloti'i 'a me'afua "I", na'a mau ma'u ai 'a e ngaahi fenu'i mo e ngaahi tali ko 'eni mei he komiuniti pea ko e lahi taha 'eni 'oku ha atu 'i lalo:

Ko e ha e lahi 'a e fakamole ki he ngaue fakalelei ko 'eni, pea 'e anga fefe hono totongi?

Ko e Palani Ngaue Fakalalaka 2015 na'e faka'asi ai 'a e fiema'u 'a e \$300 miliona ki he ngaue ni. Na'e malava 'o fakapapu'i 'a e \$100 miliona mei he pa'anga malu'i 'o e ngaahi ta'u kimu'a pea 'oku toe leva mei ai 'a e \$150-\$200 miliona 'oku kei fiema'u. 'Oku mau tui ko hono ngaue'aki 'a e Me'afua "I" – ko e pa'anga malu'i \$110 miliona General Obligation (GO) Bond – mo e pa'anga 'e fika'i tatau mo ia mei he pule'anga pehe ki he ngaahi tokoni kehekehe pe, te tau malava pe ke fakakato 'a e tonounou ko 'eni.

Ko e fe 'a e polokalama ngaue 'e fakamu'omu'a?

'I he mahino ko e kotoa 'a e fanau ako Ravenswood tenau fou kotoa pe 'i he ako lotoloto, 'oku mau fakamu'omu'a ai 'a e 'inivesi 'i he Ako Lotoloto César Chávez Ravenswood. 'I hono ngaue'aki 'a e me'afua "I", 'oku mau fakamu'omu'a ai 'a e fakalelei 'o e ngaahi lokiako 'i he levolo 'o e palaimeli (ta'u 5-11) ke hiki hake ki ha tu'unga 'oku fakaonopooni ange.

'Oku 'i ai nai ha pa'anga talifaki 'a e Vahenga ke tokoni ki he ngaue ni?

Kuo 'osi ma'u 'e Ravenswood 'a e ngaahi tokoni fakapa'anga kehekehe mei he pule'anga mo e ngaahi sino ngaue fakapule'anga. Ko e lahi taha 'o e ngaahi pa'anga ko 'eni 'e 'ikai malava ia ke ngaue'aki ki he ngaahi ngaue langa ka 'oku meimei ke ngaue'aki 'eni ki he ngaahi fiema'u vivili ki he mahaki faka'auha hange ko hono kumi 'o e ngaahi me'a malu'i ki he fofonga, ngaahi ngaue ki he tekinolosia, ngaahi me'a ngaue ki hono fakapapu'i e ma'a e 'ea pehe ki he ngaahi 'inivesi 'oku fakapatonu ki hono poupu'i 'a e ako 'a e fanau 'i lokiako.

Ko e ha 'a e pa'anga malu'i General Obligation?

Ko e pa'anga malu'i 'eni 'oku ne fakapa'anga 'a e konga 'o e ngaahi ngaue langa 'i he ngaahi 'apiako 'i he vahenga San Mateo mo Kalefonia pea 'e malava ke faka'ata mai 'a e pa'anga mahu'inga tatau mo e pa'anga malu'i ki he komiuniti. 'Oku meimei natula tatau 'eni mo ha no fale, ko e pa'anga malu'i General Obligations 'oku angamaheni ke totongi fakafoki ia fakafuofua ki he vaha'a taimi ko e ta'u 'e 30. 'Oku malava ke totongi fakafoki 'a e General Obligations 'o fakafou 'i he totongi tukuhau 'i he koloa kotoa pe 'oku malava ke tukuhau'i, tatau pe ki he fale nofo'anga taautaha, fakakomeesiale, ngoue pe fakapisinisi 'i he Vahenga.

Ko e ha 'eku felave'i ki he Me'afua "I"?

Ko e fakafuofua ki he tukuhau fakata'u ki he me'afua "I" ko e \$30 'i he \$100,000 'a ia ko e fika 'eni 'oku malava ke tukuhau'i pea 'oku ma'ulalo 'eni 'i he tu'unga totonu 'oku 'i he maketi makatu'unga mei he ngaahi fua kuo tuku mai, 'a ia 'oku fakangatanga ki he 13. Ko e nga'unu ko 'eni 'e meimei ke totongi ai 'e he ni'ihii 'oku 'i ai honau ngaahi 'api 'i Ravenswood e \$110 'i he ta'u. 'I he lolotonga ni, ko hono fakataha'i 'a e tukuhau ki he me'afua "H" mo "S" 'oku fakafuofua ke \$20 mei he \$100,000 'a ia ko e fika 'oku malava ke tukuhau'i pea 'oku si'isi'i ange 'eni mei fakafuofua, pea 'i he pa'anga malu'i ne totongi 'e he Vahenga talu mei he fili 'o e 1996 mo e 2000 kuo fakangata ia he ta'u ni, pea to'ou ai 'a e \$5.90 'i he \$100,000 'a ia ko e lahi 'oku malava ke tukuhau'i, mei he totongi 'e ngaue'aki 'i he ta'ufu'ou.

Ko e ha e fakakatoa 'a e lahi 'o e pa'anga 'e totongi fakafoki?

'I hono fakakatoa ki ai mo e totongi tupu, ko Me'afua "I" 'oku fakafuofua ke fakakatoa ki he \$195 miliona pe ko e \$1.80 'i he \$1 kotoa pe 'e no, 'o hange pe 'eni ko e mokisi 'o ha 'api, ko e totongi totonu 'e toki fakapapu'i ia mei hono fakama'opu'opo 'a e ngaahi fekitoa kehekehe hange ko e tu'unga 'oku 'i ai 'a e totongi tukuhau pehe ki he tu'unga 'oku 'i ai 'a e maketi.

'Oku ai ha ngaahi founa ke malu'i e kau totongi tukuhau?

'Oku 'i ai 'a e Komiti Ngaue Tau'ataina 'a e Vahenga 'oku nau ngaue ki hono 'aotita'i ke fakapapu'i ko e pa'anga malu'i kimu'a 'oku ngaue'aki pe ki he ngaahi polokalama ngaue na'e tali mei he ni'ihii 'oku nau paloti fili kau ai hono fakalelei 'a e ngaahi lokiako mo e ngaahi naunau pea 'oku 'ikai fiema'u ke kau ki ai 'a e ngaahi ngaue ki hono fakalele 'a e ako'anga mo e vahenga 'o e kau faiako. Ko ia ai 'oku fiema'u ai 'a e Me'afua "I" pea ko e kotoa 'a e ngaahi lipooti fekau'aki mo e ngaue ni teke ma'u kotoa ia mei he' emau uepisaiti.

Ko hai 'e lava ke kau ki he paloti'i 'o e Me'afua "I" 'i Sune?

Kotoa 'o e kau lesisita fili 'i he Ako'anga Fakavahe Ravenswood te nau malava ke kau ki he paloti pe fili ki he Me'afua "I" 'o tatau ai pe 'oku 'i ai ha'anau fanau he vahenga ni pe 'ikai.